


125





國雅卷之十七

勾吳顧起綸玄言選

黎員外名民表字惟敬號瑤石廣東從化人嘉隆中官兵部職方員外

梁園歌

我從淮陽來十日苦風雨訪古登平臺蒼茫見齊魯平  
臺昔日孝王園儀衛還同萬葉尊周廬延閣通珍館脩  
竹清池帶國門四方賓客皆麇至枚叔鄒陽最稱美明  
月西堂作賦成嚴霜曲榭稱詩起榮枯翻覆那可常左  
右謀臣忽中傷日暮杵聲停故苑秋風葵藿下睢陽驕  
奢豈辨當時事惟有憐才解人意門館荒涼誰曳裾川



原曠望聊停騎。吁嗟行路良悠悠。白日經天河漢流。朱輪自古多傾覆。黃金抵用如山丘。

九日同諸公登感應觀閣

白玉壺中羽景懸。樓居元自有神仙。坐窺睥睨踈榆外。杯引關山落鴈前。楚客衣裳逢改歲。漢庭烽火入窮邊。桑田碧海空愁思。誰解乘鸞向紫煙。

至日遣兒理入京省其舅氏

翩翩雙騎立河干。遙望燕山雨雪殘。行橐已無金錯在。路人猶作布衣看。關城近別偏多思。客路相隨祇一官。白髮愧吾衰且賤。邴家兄弟在長安。

思歸引

平生任性無羈束。蹋翼塵途成碌碌。年時提槩隱閒曹。此日之官領錢穀。祇謂朝參遠國門。豈知束帶無朝昏。問之幾馬不能對。上林圈獸都無言。以茲筋力轉駑緩。安能驅逐隨車輪。吁嗟叔夜無深識。邴原辭俸過六百。我今蹭蹬胡爲哉。况乃形容轉衰白。聞道故園初罷兵。薄田數畝可歸耕。揚舫稍待桃花水。策杖須尋漉酒生。

○紫荊關

徑轉盤盤險雲連。鳥去長山桃微着。紫沙柳不成黃重。鎮臨天府神功劃。大荒金城誰獻議。老作尚書郎。



渡桑乾河

古渡是桑乾，征人曉涉寒。鳴笳喧聚落，帶劍擁材官。霜雪經行盡，煙花出塞殘。春衣猶未寄，空倚月輪看。

七夕別張羽玉得平字

隱樹風初起，臨階月乍明。故人千里別，仙媛隔年情。爽氣侵鸞扇，輕陰下鳳城。惜無雙寶劍，濁酒見平生。

送管建初

十上貂裘敝，誰能老漢關。祇應巖下客，長望日邊還。獵火明秋塞，河流直故山。身間且歸去，名姓在人間。

送華文學之留都

載書初詣闕，沿牒復歸吳。經筵諸生學，章縫魯國儒。軒車榮故里，雨雪戒長途。白虎羣賢在，還來賦兩都。

遊僊

山林非所託，所思在神州。寓目八紘外，經過華池幽。神光颯然至，青鳥從我遊。靈妃奉玉觴，清謔自相酬。歡娛未終夕，曜靈不可留。山川愛綿邈，白雲良悠悠。安得不死藥，千載復來求。

遊西樵雲谷山

朝從雲中遊，暮投雲中宿。煙嵐稍出沒，岡巒相迤屬。層標下奔峭，雙竇騰驚瀑。朗月沈東峯，殘暉在林木。迢迢



浮雲征寥寥天宇肅攬衣不遑寐良夜欣秉燭動極歸  
有靜吾以觀其復天雞奏晨熹杖藜騁遐矚

秋風詞

秋風嫋嫋流清商朱華零落綠草黃明月委隙迴素光  
寒螿夜啼候鴈翔膏爐沈燎朱火揚空房獨宿私自傷  
凝思關山繞羊腸杳難致之雙明璫靡蕪易萎菊易芳  
君何遠遊長相望

送泰泉先生赴南都掌院

舊迹紆皇覽稽謀藉老成位因推雋起國以用儒榮鳳  
閣綸爲草龍門史作程所希調鼎彛延首詠昇平

玉屏墨莊爲天漢兩傳作

淨業臨丹壑高居擁翠屏雲光過沼白山色入池青獨  
鶴將人靜閒門共月扃安知灌園客不是少微星

官舍雜詠

雖然稱校理筆硯久生塵白虎多同異金門自隱淪桂  
薪從度日榆莢又殘春斟酌浮生理須尋漉酒人

部山人從東海來將遊北岳因贈

雙屐帶莓苔新從日觀來山川遊子夢風雪故人杯龍  
性應難馭鸞情不易媒莫言成獨往高浪駕蓬萊

奉命至西山墳園



宿草經春長新阡近部多彩銷團扇粉香盡舞衣羅陌  
上花如綺雲間月似蛾繁華今不見遺恨雍門歌

閩警

干戈愁越路閩海更堪憐篁竹頻依險鯨鯢共戴天未  
收熊耳甲莫費水衡錢痛哭謀臣疏珠厓肯棄捐

留都

幽薊稱巖甸重襟亦在斯尚紆南顧策數費北門師霜  
瘁青苗盡秋深赤羽馳誰能如賈誼流涕向明時

登六榕寺塔得微字

寶鐸搖青漢金輪逼紫微衆香攢繡拱九級敞瑤扉仙

藥飄空下天花雜雨飛萬形紛萃律千仞轉高巍檻頰  
霆相激櫺開月吐輝侵雲看樹小入海見山稀側足應  
防險觀心擬息機永言齊浩劫更拂六銖衣

遊東山真覺院

鹿園披絕徑鷲嶺逼諸天樹杪驚新瀑花間滴暗泉寶  
輪承曉日金鐸韻秋煙戒具蓮花捧經文具葉聯地從  
初劫造僧是幾燈傳住想猿心伏忘言象教詮東遊誰  
小魯北望我愁燕願就靈巖宿餐霞度世緣

燕京書事

朱樓迢遞接平沙嘆息深閨有麗華青鳥幾時隨阿母



綵鸞今夜屬良家。桃栽碧海多成實。桂貯長門自落花。  
寄語采桑南陌女。莫將顏色向人誇。

祈穀齋居

鈴索無聲樹色寒。集靈臺上拜千官。旌旗夜繞長楊陌。  
燈火春祠泰壹壇。煖入芳郊陽氣淺。月臨青閣曙光殘。  
揚雄白首玄經在。誰捧雲中玉露盤。

和姚鴻臚得告志喜

含香三載侍金鑿。爲憶鱸魚不覺懽。仙仗乍辭鷓鴣序。  
主恩還著鷓鴣冠。題詩舊滿垂蘿石。載酒重尋種藥園。  
同是滯留君獨去。綈袍能復念長安。

送胡翰林懋中 冊封襄府

回望金莖雪色間。南行旌節入昭關。長楊羽獵停車待。  
錦里江山策駟還。風射紫貂憐遠道。月臨青雀夢朝班。  
詞人已。在麟臺上。招隱無勞賦小山。

歲暮和文壽承

歲盡飛鴻不到家。尚將長鋏在天涯。呼盧且醉咸陽酒。  
騎馬頻看上苑花。白首校讐成寂寞。金門留滯愧清華。  
廣文不道官如水。彩筆分行奪錦霞。

頃以俚述投大司馬白石蔡公見答次韻

十年華省夢清芬。喜挹風流在五雲。司馬舊曾傳諫草。



侯芭元自好玄文。斗間一望雙龍氣。臺上誰攀彩鳳羣。  
莫擬北山招隱士。更開東閣奉明君。

同鄜別駕蔡山人登九成臺

芙蓉山色半晴陰。影入空江百丈深。紫閣倒垂星宿氣。  
碧天吹落鳳鸞音。烽塵正屬談兵日。雲路誰爲出世心。  
風景故園猶想像。丹梯吾肯倦登臨。

遊靈谷寺

門遶黃山路不賒。青松迴匝見丹霞。恒河六月猶飛雪。  
空谷千年自雨花。雲氣遠移金刹動。竹陰清入畫廊斜。  
十行賜札留初地。老衲相逢說翠華。

送李伯承還山

黃塵拂衣歸去來。酣歌擊筑相徘徊。青山似惜敬亭別。  
明月况有金陵杯。煙中柳條折欲盡。池上浮萍吹復開。  
楚江渺然挂席去。知爾萬里遊蓬萊。

觀生處

世故多岐路功名一聚塵。觀生何處是半榻隱吾身。

宮詞

未央樓殿敞秋風。芝火煌煌徹夜紅。知是驂鸞朝太乙。  
旌幢斜出五雲中。

立殘銀漏未更衣。聞道龍池駐翠騑。衛士夜深傳畫燭。



御街塵起六臣歸

午日同諸親友汎越江作

魚龍曼衍戲江波天吳起舞翻蛟鼉連天白浪愁無那  
誰勸公歸莫渡河

豫章江行

山磴崎嶇猿夜號溪流如沸石如刀刺桐花下思歸客  
待得天明有二毛

王大名

名叔杲字陽德號暘谷永嘉人嘉隆中官大名太守

夏日校士有作

清晨肅車從言邁文士場羣英亦以止奕奕羅宮牆校

誠吾所職甄別顧非長吳中號才數詞翰儷琳琅茲洲  
匪異土豈薄藝林芳沮澤激潛龍丹崖奮棲鳳寧無凌  
空翼乘時將翱翔靈物秘玄理通塞恒靡常有志觀竟  
成儀廊當振揚愧乏作人化雲漢徒爲章願收桑榆功  
一覩桃李光

郊行訪近齋先生

和風扇郊原草樹綠成綺欣然及春行偶過柴桑里新  
漲拍斷堤初荷覆廻渚夾岸桔槔翻壠畔歌聲起農夫  
饁茂陰殷勤話晴雨令拙民亦安地僻俗猶美高人川  
上居開軒面流水呼童具盤餐相與論治理日斜命駕



歸炊煙滿墟市

孟春初入山二首

孟春時雨歇旭日散晴嵐晨起理孤棹駕言歸舊山斷  
霞翳脩逕好鳥鳴林間山童悅我至倉皇啓柴關雲中  
樵牧迎謁多歡顏聊引尊中酒同醉清溪灣今夕已  
云疲明晨復躋攀閉關謝交接白雲相往還

寒衣愛晚晴海霧匝千里羣峰暗復明江邨畫圖裏落  
日在遠山纖霞映孤壘逍遙曳杖歸華星出水底短檠  
展遺編倦讀凭文几松籟雜湍聲偶逐微風起景觸意  
忘疲慮息神如洗以茲幽寂居悟此清虛理

憑虛閣眺望十韻

飛閣控諸天憑虛俯帝壘九衢雲外直雙闕望中懸樹  
擁山光近霞開霽景鮮 皇居標麗日梵宇出浮煙都  
會當窻盡星文蠹斗偏六曹紛綺宴列館沸朱絃賜第  
雕甍合妝樓紫陌連花枝空晉苑柳葉蔽吳阡慷慨悲  
前代風流感昔賢偶因龍藏隱欲儼鳳臺篇

登報恩塔

金陵自昔稱佳麗紺宇嵯峨倚天際金碧遙分明月輝  
杲暎時駐祥雲氣祥雲明月競芳妍秀黛空濛萬里懸  
琉璃細蠹金蓮座玫瑰齊攢繡佛筵瓊花的爍紫丹綺



天章垂耀紛無已，曉日暉騰鍾阜煙。夕陽影倒秦淮水，  
疊拱飛甍入窈冥。盤龍儀鳳架雕楹，夜懸玉琰春星亂。  
風動簷箏天樂鳴，迢迢積翠橫孤島。綠藹沈沈映江草，  
複磴層緣近紫霄。危欄俯瞰低飛鳥，已按星文據地靈。  
誰遣神工奪天造，憶昔高皇起建康。掃除六合

開天荒，是時四海盡寧謐。一朝圖籙歸

文皇更

築浮圖，標王氣。重開功德照迷方，我來正屬芳華歇。懷  
古臨風壯歌發，玉樹庭邊煙草深。雨花臺上蘼蕪沒，六  
代興亡掌底論。萬里山河望中絕，龍象雄蟠亘古存。奕  
奕英靈壯金闕

山齋獨坐有懷友人不至詩以招之

投迹寄空門，幽懷日虛泊。境寂山氣佳，日午庭陰薄。新  
鶯未停囀，初篁漸舒籜。愛此林樹芳，窅然坐丘壑。故人  
萬里至，約我移觴酌。今朝風日熙，桀閒眠虛閣。

牛首山

雙峰縹緲碧霄臨，絕壁香臺自古今。日射珠輪懸倒影，  
風飄僊梵落虛音。諸天積翠迎飛觀，萬嶽排青入定林。  
總爲名緇觀化地，只今芳靄晝陰陰。

宿祖堂留贈海天禪師

千巖樹色帶斜暉，石磴緣蘿歷翠微。入座光風翻貝葉



隔簾香靄護銖衣。蚤飛僊錫開龍界。偶謁空王宿梵扉。  
獨夜山中羣籟寂。海天秋月悟禪機。

獻花巖

林端紫邏埋陰竇。石上霏霞敞法臺。遊客偶過披草坐。  
鳴禽猶似獻花來。雲扶殿閣空中見。日照山河鏡裏開。  
到處逢僧談出世。千年幻迹已塵埃。

贈張嶺山開府江南二首

旌旆南飛海色開。江東今訝益州來。行邊寶劍寒星斗。  
曲裏陽春遍草萊。茂苑鶯花羅綺國。金陵煙月鳳凰臺。  
微垣午夜頻瞻處。法象光芒切上台。

關河迢遞隔飛鴻。回首經年別恨中。紫氣遙瞻西華色。  
青山猶見北門功。名高二陝應爭勒。賦就三吳總失工。  
天闕故人甘寂寞。願移旌蓋問蒿蓬。

送徐龍灣廉訪入楚二首兼訊王三湘

使節下荆舒。關城落照餘。春隨宮裏到。臘向客中除。楚  
塞寒雲擁江樓。夜月虛。故人摩詰在。應過輞川居。  
五馬曾遊洛。雙旌復入沅。幾年流滯迹。此日量移恩。戀  
闕懷公幹。憐才值巨源。行看宣室召。莫弔汨羅魂。

初冬登大伾山

初冬飛蓋拂晴雲。共陟嵯峨探秘文。河勢已非神禹鑿。



山形遙自大行分崖端想象懸金粟洞口虛無散紫氛  
登眺壯懷聊此寄酒闌歸路已斜曛

別朱虛谷次來韻

病中爲別倍銷魂北望寒雲擁去門孤客燈前千里隔  
舊遊 闕下幾人存文同鳳綵應爭瑞夢入鷓行早拜  
恩染指定尋蘅杜約遲君湖上倒芳樽

廣川逢許敬菴時敬菴方有南粵廉訪之命聯舟  
至清源賦此爲別

京洛幾年別逢君岐路隅停杯話離索相對各躊躇學  
道心常泰甘貧貌轉腴獨憐揮袂去迢遞向蒼梧

歐學正

台大任字楨伯號崙山廣東南海人嘉隆間官河南光州學正

晚霽過梅關

千峯留晚色迢遞出梅關日向猿聲落人從鳥道還中  
原開嶺徼南海控甌蠻萬國來王合秋風戰馬閒

夜登太白樓

狂歌采石月高卧謫仙樓珠斗當窻見銀河拂檻流朔  
鴻飄塞色羌笛入邊愁何處思公子峨眉夜夜秋

經王子新故居

獨有山陽笛難尋谿上廬人琴俱已矣臺沼更何如暮  
燕歸新社春泉滿壞渠今來悲轉切未報秣陵書



范太史楊評事携酒榼過清涼山中

忝攝名山長精廬爲客開愛君乘興發騎馬到門來館閣詞人筆雲霄法署才金陵逢二妙堪醉鳳凰臺

西苑

日上觚稜照綵旂西宮夜醮火初收滄池波色青門曉長樂鐘聲碧樹秋名岳采芝諸使出中天築館萬靈遊漢家詞客頭將白汾水年年望御舟

入攝山訪棲霞寺慧光上人

蓮社曾書發願文青山今日始尋君錫分阿耨池中水鉢覆頭陀石上雲花落經從桐院讀燈殘鐘向竹牕聞

遠公莫笑攢眉客一入東林亦不羣

送沈肩吾歸明府

廣陵驛前柔櫓鳴越客離歌半楚聲高閣酒醒孤樹遠片帆潮落大江平四明天自窻中見九曲人從鏡裏行莫向秋風折楊柳筮篥多少憶歸情

姚元白在書問訊

婆娑偶寄漆園間荒逕苔深頗似閒公事只堪對流水宦情吾自有青山窻中蝴蝶頻支枕松下楞伽一掩關聞道故人罷官蚤白雲遙羨鳥知還

過隋故宮



龍舸忘歸幾歲華六軍飛輓萬方嗟遼陽鼓角滄波遠  
鞏洛山河落日斜水調楊花歌九曲江遊螢火散千家  
蕪城莫引中原目衰柳殘堤宿暮鴉

聞王元美詣闕上書

行乞當年雪滿途銜冤憐爾叩闈呼天平曹氏融何罪  
世有山濤紹不孤國士只今收涕淚餘生寧得傍江湖  
征西部曲思公子請爲  
君王北射胡

伏日姚唯之陸華甫董述夫見過

官舍鶯啼綠樹陰炎天步履爾能尋樓前過雨山俱出  
堦下生煙竹更深講肆不妨開馬廐詩篇何必到雞林

酣歌氣與秋空遠丹壑誰知靜者心

立秋日卧病答黃希尹約遊大明寺不赴

苜蓿齋中一病身井桐墜葉報蕭晨枉期車馬携尊酒  
虛負煙霞笑角巾謝客能尋開社事遠公還待折腰人  
秋風九曲西池約爲掃隋家輦路塵

懷潘少承

登樓何處望吾鄉書札經年鬢欲蒼莫以江都憐董相  
誰能洛涑學潘郎海邊暮雨楓千樹淮上秋風鴈幾行  
彩筆青雲須努力蹉跎容易老星霜

廣陵驛送王元美兄弟歸吳中



孤臣去國意何如客路秋風廣柳車雙闕恩曾憐狗馬  
五湖歸不爲鱸魚江頭頗問觀濤賦霜後應題寄橘書  
從此東南思二美暮天搔首一躊躇

秋晚登廣陵城

西風淮水下邗溝何處關山獨倚樓賦後蕪城荒井逕  
書來瓜渚斷江流青天寒色千砧夕滄海潮聲萬弩秋  
滿目蒼蒼見平楚不知歌吹在揚州

廣陵遇蔡職方元卿

燕陽經術似河汾漢署風流尚見君金在曾求千里足  
劍沈誰識七星文詞人海上青雲色遷客淮邊白鴈羣

何事相逢貪握手西來消息幾時聞

贈朱在明省覲還靖江

典客中朝事事新思歸應有白頭親十年獻賦誰知已  
四海論交見幾人俠似朱家還自蔽美如孺子豈長貧  
江臯縱有菰蒲地高卧寧容侍從臣

徐子與王元美見過招陸無從同集齋中

渡江先約住蕪城二子中原念我情博士業能傳楮大  
酒人游自愛荆卿不知豸繡飄霜色忽有驪珠傍月明  
燕市狗屠君更訪風塵何處可藏名

聞嶺南海寇警急寄陳德基袁其文



軍中何事角聲悲趙尉臺高落日遲亂後江山猶涕淚  
夢中樓櫓半旌旗漁樵實恐誅求盡征戍深防道路危  
慷慨知君能諭賊莫令邊將請王師

贈蘇四

蘇卿還漢國征馬別躊躇若到長安日無忘鴈足書

烏棲曲

月落未落烏將棲可憐夜半窻前啼閨中少婦停梭泣  
淚濕鴛鴦不成足

金陵元夕

綵樓酣飲紫雲升六代繁華未足稱鳩鵲盧龍春色裏

浦城歌吹萬家燈

梁中舍

名孜字思伯號浮山廣東順德人嘉隆中官中書舍人

康裕卿潘象安管建初諸山人枉過雅集得雲字  
長安何事集鷗羣四海論心絕世氛紙上煙霞生嶽色  
毫端蚪蚪落溪雲雨餘旅館先秋至月滿空階欲夜分  
彈鋏歡歌忘去住尊前休勒北山文

喜黎惟敬至偕童子鳴諸公携酒訪之得雲字

搖落深秋一見君都門握手更殷勤別來白社孤燕月  
重對青尊悵嶺雲五嶽何年共禽向甘泉此日羨雄文  
休嗟宦海羈雙鬢鳳沼新題喜共分



春夜同李伯承馮少洲集借樹軒得雲字

吏隱金門裏風塵獨有君  
開軒春對雪把酒暮看雲  
身逐鷓鴣侶心栖麋鹿羣  
朝回尋白社深夜細論文

過龍潭菴

澄潭千尺卧神龍水碧雲深一徑通  
瑤草洞門懸麗日琪花巖畔隱珠宮  
僧臨棧閣邀新月鳥度喬林韻晚風  
齋曲可能容寄跡願驅雞犬向雲中

遊崇善寺得行字

紫禁朝回鷓鴣行題詩還向贊公房  
曇花色借宮雲麗貝葉陰連苑樹長  
禪誦尚能追白社宦情應合付濠梁

誰言京洛風塵裏亦有間人到上方

喜徐子與至偕文壽承部次甫黎惟敬載酒訪之  
十載論交在薊門風塵回首欲銷魂  
憐君彩筆長楊賦醉我桃花綠酒尊  
大野浮雲看變態西山孤月照清言  
好將舊日雙龍劍蚤向雲中答主恩

送童子鳴還越得雲字

甘泉誰爲薦雄文却指家山隔海濱  
龍劍忽分燕市月羊裘重釣富春雲  
中原握手誰知己岐路論心獨有君  
幾欲挂冠神武去金華洞裏逐仙羣

同諸公登感應觀閣餞別惟敬得雲字



城邊仙閣靄氤氳酒臨高一送君長路鴈鴻春入塞  
孤亭旌節暮隨雲樓前片月留看劍嶺外千花隔論文  
把袂不堪歸未定爲傳鄉思白鷗羣

陸山人

名弼字無從雲中人  
嘉隆間隱于維揚

茅平仲席上觀古劍

一片蓮花鍊千秋鷄彩新青天開氣色白首混風塵鄉  
里羞言俠彈歌豈爲貧臨風送公子憐取受恩人

仙霞嶺

疲馬關門路蕭蕭楓色新山腰低落日木杪度行人又  
客音書斷清秋藥餌頻游談非所好歸任橐中貧

秋日同邵長孺汝恒叔姪過禪智寺

扁舟偶乘興來試上方泉阮氏林爲竹匡山社是蓮平  
田下夕鳥老木淨秋煙千載孤琴在能令嵇散傳

。南游留別竹西社諸子

窟跡蕭齋自薜蘿賦成諸子日能過尊前看劍憐肝膽  
門下傳經廢蓼莪作客又隨春草去懷人應傍暮雲多  
蒼茫世路無勞問不負山中帶索歌

吳門送王伯熙之楚赴孫漢陽之招時余將入閩

楚粵春煙隔杳冥天涯分散可堪醒月飄漢水孤帆白  
雲落荆門萬樹青卽有鄭莊稱結納豈知王粲感漂零



尺書倘爲題雙橘鴻鴈南飛是慢亭

武夷山逢葛明府

羣峯春色到氤氳短褐相將隔世分濁酒偶逢勾漏令  
青山自屬武夷君何年石室留丹檢幾處籃輿落紫雲  
我擬重來分一壑不須更勒稭圭文

清湖道中

風塵疲馬尚天涯湖水蕭蕭日易斜一片離心秋色裏  
江南開遍木綿花

沈山人

名明臣字嘉則號句章四明人嘉中胡司馬聘爲軍門記室載孤憤集

贈黃記室

入幕羨黃生翩翩有令名鬪雞文太巧倚馬檄初成鈴  
閣春風細轅門落日平酒酣時奏記半是凱歌聲

司馬胡公綠野園作

功臣甲第故來高門接青山祭戟遙詞客吐茵開曉幃  
健兒騎馬射秋鷗風雲色變琯弓暗月光寒寶劍銷  
此日半曇惟有淚曲池無水草蕭蕭

題王四瞻美山池

洞門幽徑絕塵都翠壁紅亭總畫圖山影到池萍葉斷  
花枝垂地石闌扶仙人吹玉雲中起帝女將金埒上鋪  
欲弔闔閭蒼莽外西施空與醉姑蘇



題王青州小祇園藏經閣

祇園高閣俯流霞，貝葉光浮萬樹花。  
白馬春雲常五色，金河秋水映三車。  
王丞自置維摩室，許掾終依大士家。  
此日登臨披弱海，頓令飛思繞恒沙。

賦得懸磬室爲錢叔寶

高人一室如懸磬，揚子空亭只草玄。  
白髮閒能晞碧樹，綠尊常自浣青天。  
牀頭風雨猶存劍，筆底江山可換錢。  
更喜區中無別累，雙鴻送盡手揮絃。

題王百穀半偈菴

架上百籤開小品，齋頭一難發三乘。  
寶幡側影琉璃鉢，繡佛前懸不夜燈。  
寂寂桑陰啼戴勝，融融花氣醉韓憑。  
王珣自是專名理，共道蕭然有髮僧。

送邵偉長將軍葉深父文學遊武夷歌

丹梯倚天天欲赭，九曲青龍走其下。  
崩訇石扇窈窕開，鴻濛之初誰鑄瀉。  
崢嶸峭拔何處來，夫乃三神之神山。  
從霹靂而化者，剛鋒割雲劍戟攢。  
古鐵磨光日月寒，恍驚天孫錯剪錦繡段。  
又疑胡鷁詭獻珊瑚盤，蒼壁橫開欲千武。  
錦屏高張如百堵，幽恠虛勞說幔亭。  
瓌瑋無能過天柱，瑤草青葱冬不凋。  
白鹿可馴，猿猴可調。當時美女杳然去，  
洞口春風空碧桃。余也本狂士，十年三到此欲起。



武夷君爲之扣終始武夷之君今已死十二真仙竟誰  
是子騫頭顱葬空山我亦因之罷憂喜邵將軍葉夫子  
經營天地將何以南平百粵駕樓船七尺龍泉電光紫  
請君揖謝武夷君稷契巢由那得聞橋邊黃石知心事  
未許青谿弄白雲

邵山人

名第字次甫號中洲長洲人嘉隆間隱焦山

同金子坤文德承黃淳甫釋圓志精廬齋會

言過東林宇共出南城門迢迢長千里隱隱祇樹園高  
臺一延眺大江天際翻轉逕春泉駛深林啼鳥繁入室  
拈妙香趺坐寂無言復倚翠微竹折葵當朝飡漫游我

所適緬想桃花源先到香爐峯抱月聞清猿

舟泊孟陽閘

泊舟孟陽閘移足卽魯地蹇驢識故道孤征有深致處  
處白雲生行行發幽思散髮被星月跣足涉汶泗高挹  
太山雲平瞻孔林翠人世頗迫促玄根非蒙昧想念蓬  
萊島徘徊青鳥使永願棲名區採藥起憔悴

詠井底花影贈李太常

素縷夜不垂寒波曉含縈嬌英被銀牀歲隄弄澄澈對  
月還對鏡堪賞那堪折細讀太常詩冷然瑩冰雪

夢中作

五月望夜同羅伯隅宿北固山甘露寺

邵山人

國朝卷十七

七



妄想不可到心馳魂亦飛若能處其和乃使形神依草木悴不榮金石皆爲非三山飲瓊漿九垓飄霞衣不知有與亡日月交相暉返照方自省復恐知音稀

題畫桃花團扇代閨人贈遠爲王君祥賦

妾面如桃花妾心似桃實持作鴛鴦蒂不羨膠與漆膠漆有時解鴛鴦永成四慎勿輕別離坐此長嘆息嘆息復嘆息中心皎如日願逐扶木光照我夫君出復隨咸池影入我蕙蘭室無煩畫團扇涼颺易蕭瑟

李禁直

名言恭字惟寅號秀巖泗洲人臨淮侯勳衛嘉隆間禁兵侍直

匡廬

匡廬凌碧落青磴與塵分湖海遠還見雷霆低不聞石門鳴宿雨瀑布濕流雲獨有山人屐常隨飛鳥羣

漂母祠用唐人韻

荒祠淮水畔停棹憶王孫寄食猶懷德封侯寧負恩藤蘿煙裏樹蘆荻雨中村雲夢當時謁臨風不忍論

送陳玉叔郡守淮陰二首

淮海連天濶高帆去若奔蕪葭秋水岸鷗鷺夕陽村山色侵官舍濤聲到郡門行過漂母廟應亦弔王孫別思深難遣離魂暗欲銷人隨流水去心共暮雲遙野市懸高岸江城響夜潮所嗟相憶處風雨正蕭蕭



春日病起

邊城斜日澹胡沙短鬢那應對落花搔首青山非故國  
出門芳草是天涯病餘何意張華劍春去那堪范蠡槎  
賴有高陽朋舊在黃金俱付酒人家

秋日同黎維敬王仲房康裕卿朱在明安茂卿胡  
元瑞集劉仲脩觀察園亭得開字

習家池館接蓬萊雲裏高懸百尺臺諸客盡依星漢坐  
一尊聊向薜蘿開城頭落葉隨風下木杪青山入座來  
投轄可辭今日醉薊門秋色正堪哀

送少江部黃門北上

千里識荊州那堪又遠遊蘆花兩岸月帆影一江秋離  
夢燕雲杳相思楚水流不知青瑣客能復念滄洲

南巖宮

南巖煙霧裏蘿徑半空分樹影橫清漢雞聲下白雲山  
家崖作屋羽客鳥爲羣人問餐霞訣慚余尚未聞

訪楊逸人山居

野人高卧處只在白雲顛絕壁疑無路深林忽有煙門  
開千樹上犬吠一峯前爾亦揚雄輩山中獨草玄

潼口驛

塵鞅慚馳逐長途牽旅寬山環樓作驛溪遶樹爲村有



夢家千里無朋酒一尊那堪孤館外風雨正黃昏

潘白嶽

名緯字象安徽州人  
嘉隆中僑居白嶽

感遇

灼灼陌上春獨艷桃與李寧知成蹊日却是凋傷始向  
來競攀折共棄秋霜裏衰瘁無何時東風颯然起

病起喜王仲房社丈見過繡佛齋

事佛病能除幽齋貧晏如居應成淨界春亦到吾廬草  
長談經處鶯啼出院餘輞川游行日誰意枉藍輿

送友人北游

樽酒慰行軒交深敢贈言經過鄭莊驛好問孟嘗門一

諾休輕許千金未是恩年來長送客此意不曾論

簡方際明

昨暮登樓處雨收溪上村此時見新漲直到君家門舊  
岸集漁網高齋藏釣綸嘉魚坐可辦好約同開樽

夏日過余松泉先生溪園

花榭竹爲垣幽陰坐處繁遙疑園上日不到水邊村山  
雨帶雲集松濤清晝翻往來三徑裏何地有囂煩

得王仲房唐飛卿二社丈書

客從武陵來入門問安否傳語更傳書殷勤爲良友舊  
游音向踈兩君別仍久寄到了知真將開復停手



泊閩門尋周公瑕王和仲所居不得

閩門九陌通車馬往來逢入部尋舊識望間迷近蹤空  
停秋江棹漫聽寒山鐘只隔城闌裏煙雲閉幾重

從軍行

烽火照鄉關征人去不閒馬蹄三尺雪烏道萬重山年  
少未遠別乍行多苦顏出門能幾日日日望刀環

題仙源

君家棲隱何在合沓雲山萬重望中雞犬不見行處漁  
樵忽逢洗耳窻前流水為鄰戶外諸峯知是武陵僊境  
迷人自愛追從

康山人

名從理字裕卿温州人嘉隆中嘗游公卿間自署曰東嘉布衣

秋日同諸友過栢上人禪房分得霏字

空花晴墮晝霏霏一片秋雲欲染衣白馬舊開雙樹古  
青山高視六塵稀池蓮似愛僧能淨林木猶憐客乍依  
豈謂少微江漢色清光亦傍 帝王畿

喜黎惟敬司馬至分得中字

嶺海春雲幾夢中烽煙無地問飛鴻歌來白雪傳京國  
愁處黃塵起朔風貰酒火拚裘褐在向人猶愛寶刀雄  
漢庭才子如林日作賦誰能似爾工

再送童山人南歸

康山人

國雅卷十七

七



山橫北固見通津南入梁溪總是春一片白雲心萬里  
可無梅寄渡江人

○寄黃淳父

一別金閭部外亭向人垂柳十番青書無干謁囊猶水  
病有煙霞跡似萍江上扁舟孤夜雪鏡中華髮亂秋星  
長干花月傷心麗入夢誰能淚不零

、題樂玄子清嬾窩

避地聊爲客頻年只著書烏啼林屋靜花映草堂虛水  
石遊情曠琴樽樂事餘自安清嬾性高掩白雲居

張太學

名獻翼字幼于長洲人嘉隆中太學生

、寄吳太守

曾於白雪見文章不爲青山憶武昌藝苑才名多七子  
宦途心事半三湘人前落筆誇鸚鵡郡內褰帷下鳳凰  
見說漢廷思校獵未容長孺薄淮陽

、掩關三首

失計歸來日殘陽照綠蕪重開蔣詡逕莫問阮生途處  
分非鳴鴈流年是隙駒獨憐遊俠處花月在名都

墨墨抱幽獨微涼雨過城人間魚不淦雲動鳥初驚散  
帙端居意披襟玩世情却嫌陳仲子猶有灌園名

自笑行題駟誰憐食嘆魚涼風正離索孤思欲何如逕



有王孫草門無長者車向來鄉曲賤不用絕交書

寄董子元張月鹿

芳歲情無間經年思有餘故人名下士文似馬相如溪  
鳥時窺牖山雲日映書席門貧不厭長者自回車

山中諸文學携具資慶寺相餉

不盡留人意香林載酒過緒言童子偈機事太湖波歲  
晚收寒果窻虛挂綠蘿陪歡多地主朝暮醉巖阿

梁文學

名辰魚字伯龍崑山人嘉隆間太學生

吳宮曲

吳宮夜靜飛清商秦箏絃促春思長銀蟾三五流素光

玉樓十二生微涼美人起舞雲錦裳翠袖盤拂雙鴛鴦  
君王酒酣樂未央蘭膏欲滅歸洞房歸洞房日初出越  
兵來入吳國朝作吳宮娃暮托五湖客人稱五湖之遊  
世所無恐其破越猶破吳不知妖艷傾人都當年猶恨  
身未誅君不見臨春閣兵初起擒虎入麗華死

夏日汎舟荆溪暮宿湖口

五月荆溪上驚湍走白沙風檣欹趨燕浪檝遠衝花山  
勢通吳直溪流向越斜維舟見漁火深樹有人家

癸丑歲兵阻武林聞任二府海上之捷

夜中恒起舞士雅在軍門投筆領如燕彎弓臂似猿千



村幾家在百戰一身存將士銜恩重厨人已喪元

文殊閣叅終南孤月禪師

結茅白雲裏猿鳥自爲隣故國別何日終南住幾春談  
空還有色問法已無身莫訝雙瞳碧年來似九旬

鄒山人

名坤字順卿號石南吳縣人嘉靖迄今隱于洞庭

送復上人還鶯湖殊勝寺

與子游方外相忘在客中若爲今日別未得一舟同望  
寺故山近到湖蕭寺空夕陽歸鳥盡江冷落丹楓

過崇安禪寺題承菴和尚山房

鹿苑已徂跡虎溪猶在山白雲無住着流水自幽閒曠

劫何因了頑空只此間不逢玄賞者何以浣心顏

許左史邀汎湖醉款李萬戶林亭次韻

區中開野酌花下是仙源雲影多依榻山光不出門已  
忘賓客醉仍促管絃繁我獨耽吟賞平林月漸昏

同硯山遊仰洪山

溪盡四山合雲深一壑幽松風清石榻霞氣寫神樓軒  
冕不知慕區寰曾足留醴泉爲玉液日日此中遊

山館睡起步王仲山韻

朝朝睡起有禽言日色纔臨樹裏門出徑漸聞漁父笛  
對湖遙見野人村更誰長揖辭當道甘此空山作灌園



旬朔淹留已神賞白雲許我借丘樊

醉卧玄覽堂次項少岳韻

華薄爲屏石作牀晴霏香靄滿山房鳴琴竹下懷中散  
欹枕風前卽上皇雙鶴來旋天欲暮片雲飛去水生涼  
吾曹總謂耽遊讌須買鴛湖載月航

陳山人

名楫字濟之號萊山海  
鹽人嘉隆間寓梁溪

昭君怨

恨却丹青筆羞爲羯虜婚那知臨絕塞猶似在長門不  
解胡兒曲難忘漢主恩長安舊時月萬里照啼痕

怪底新妝束頻將鏡照顏琵琶傷別調鞍馬怯重關骨  
向胡沙沒竟隨漢使還不知諸將帥何日勒燕山

宿金山海潮軒送陳貞父

古刹鄰蛟室孤峯對海門浮雲千丈碧落日半江昏白  
雪憐巴調青山惜酒樽明朝相憶處今夕海潮軒



金山快隱樓  
東自父  
不映前  
何日  
燕山

國雅卷之十八

勾吳顧起綸玄言選

王太學

名稱登字百穀號玉渡長洲人嘉隆間太學生

夏至日渡曹娥江

會稽逢夏至朝日散羣峯問路有千里渡江非一重空

山祠粉黛荒塚葬芙蓉寂寞無人問曹娥與蔡邕

袁相公閣試鉞中紫牡丹詩

名花開近掖垣邊一朶風吹映日鮮色借相君衣上紫  
香分太極殿中煙杯含仙艷春為酒翰染天葩錦作篇  
何幸書生叨共賞不才深愧沐恩偏



雨中寄顧汝和舍人

花間小雨濕衣輕，夜半思君隔鳳城。  
尚食宮監邀翰墨，射聲校尉識書名。  
齋廬西畔濡毫待，香案前頭捧硯行。  
漢武若言封禪事，茂陵今已著書成。

虎丘寺送沈孝廉遊金陵

七月江門路，柳枝含白煙。  
羨君遊上國，俠氣何翩翩。  
王珣宅上魚鱗瓦，一樹長松堪繫馬。  
尊前不見石城雲，君去須經石城下。  
西風吹雨入紅亭，竹葉壚頭飲易醒。  
醒後佩刀騎馬去，成名須及鬢毛青。

何山道中

何生棲隱處，寒巖至今名。  
村井當門鑿，山田避石耕。  
牛竿散野色，鳥雀亂泉聲。  
十月農功畢，家家蜡鼓鳴。

龍母廟

松塢石林林，秋風萬壑陰。  
泉清塵客耳，花照定僧心。  
龍去野祠破，鳥啼山竹深。  
蒼生饑渴甚，朝夕望為霖。

訪岳山人不遇

石澗艤蘭橈，松堂坐寂寥。  
山餘龍母廟，地隱鹿門樵。  
開徑踏黃葉，題詩剪綠蕉。  
採芝空谷裏，日暮不能招。

洲通二上人見過

茅屋袈裟集，飄飄惠與林。  
蓮花舌上發，柳色肘間侵。  
傳



法燈雙照安禪臘並深如何病居士五蘊獨沈沈

走索

翠架千尋縷青山十丈虹金蓮不在地羅襪似行空步  
捷遊絲上身輕一線中只愁冲舉去無使又臨風

病中簡文丈壽承

竹門無客不曾關黃鳥多情去復還疾是煙霞難服藥  
性同麕鹿合居山盤中首宿官如水屋裏蓬蒿鬢漸斑  
歸去虎丘雲蒲寺與君箕踞弄潺湲

難服作  
寧勿佳

燕山買宅簡范于公員外

卜居燕市屋三間揚子爲隣意共閒雲氣無心上廳事

馬蹄終日過柴關雨中欲補門前柳窻裏難添枕上山  
從此不嫌來往數問奇多在月中還

碧雲寺月出贈朱十六短歌

燕山一片月夜照白蓮花千里萬里同爲客三人五人  
齋憶家與君俱是悠悠者意氣相逢不相下平原俠士  
能鬪雞邯鄲才人堪換馬明星落木亂紛紛同向山中  
卧白雲秋風乍起黃花塞明月初生青草墳齊門彈瑟  
相知少漢庭執戟郎官小漸離筑傍流水立干將劍上  
青虹繞才子風流多落鳧青樓狹邪善諧謔趙玉刻就  
篋篋柱蜀繒裂作鞦韆索禪燈繡佛夜厭厭半醉能歌



阿鵲鹽朱公大笑黃金盡三十青衫一孝廉

萬安山老僧

雲裏白頭僧城中到不能門人皆乞食亭子獨傳燈樹  
白知秦塞天青見漢陵不須留榻秋氣夜難勝

冬夜同陳秀才雙塔寺門步月

上書人不問歲暮嘆漂零塔古芙蓉黑城寒睥睨青月  
過馳道看水遶御溝聽莫謂元方小堪當一德星

下第書懷呈納言姜公

鳳城簫鼓夢中聞天上人間自此分鄉路三千俱是水  
世情一半不如雲郢人歌後非無曲冀馬空來尚有羣

君在漢廷司獻納肯因流落薦雄文

得張將軍書

鴈稀魚斷兩浮沈馬上煩君寄好音一諾未能酬季布  
三言先已毀曾參因投白璧難防劍不識高山且罷琴  
憔悴王陽滿牀病彈冠深負故人心

寄黃丈一之

漢庭空說起徵君吳市猶聞卧隱淪何處黃金能買賦  
誰家白璧肯周貧花間不醉無三日竹下論交共幾人  
寄語灌夫休罵坐古來賢達貴謀身

袁相國故居訪李孝甫太僕



魚文七首不離身馬踏長安市裏塵重過揚家舊亭子  
深悲侯氏老門人朱欄易主花無色青眼逢君酒可親  
同是中郎琴畔客一般憔悴各沾巾

卧病過江都歐博士見貽太山記因贈

扁舟卧病廣陵城折簡深煩地主迎應劭記言封禪事  
馬遷書叙遠遊情齋題苜蓿詩空寄酒壓桃榔醉不成  
珍重投珠賢博士天涯能念舊王生

塘栖

水濶雨溟溟飛帆去不停人聲兩厓斷魚市一江腥雲  
已辭吳白山初到越青侯生數行淚千里弔玄經

織錦辭寄侍兒

燈前織錦雨吹窻忽憶行人未渡江織出鴛鴦才一半  
待郎歸日始成雙

嘉興夜泊

樓船旗鼓舊征夷檣李城邊屢出師河遶戰場俱是箭  
雨當蠶月盡如絲寶刀亂後條桑用白馬功成負米騎  
來泊闔閭軍敗處越人猶自笑吳兒

錢塘夜泊

孤舟三日雨淙淙夜泊錢塘舊建邦桑過石門青拂枕  
水經攜李黛含窻六橋花盡休携酒五月潮平好渡江



此去報恩慚烈士匣中龍劍氣難降

莫文學

名是龍字雲卿號後鵬  
華亭人嘉隆間邑庠生

巫山高

巫山高不可招陸行無車使我心勞江水深杳難尋欲  
渡無梁使我心傷我思之人天各一方山川悠悠音容  
渺茫赤鯉波濤迴冥鴻關塞長徒有數行淚夜夜沾衣  
裳相思不可見何如兩相忘

夏日與吳門顧伯子周山人集顧氏西園

暮雨散江郭條然竹樹繁重林隔煩暑一室晤清言不  
負西園約同傾北海樽論交重嵇呂千里命飛軒

訪周學士

共言懷夙好十載重違君倏爾凋青鬢依然卧白雲高  
標霞外映新詠座間聞自笑樊籠者何當入鳳羣

過城南禪林訪無波上人山房

竹樹傍幽麓蕭疎一逕通黃金開象地白法祕龍宮高  
座秋山裏孤尊晚照中清游從七子鄴下有遺風

顧仲方招隱園

清秋乘興訪名園巖壑蕭疎桂樹繁花外朱橋綠斷岸  
竹間蒼岫引飛軒空山猿鶴堪招隱滿地煙霞久避喧  
翻笑淮南重方術八公徒著養生言



寒日與何翰林登虎丘

時郡太守禁游讌山色雅靜因坐移日有作

林丘寂寂對寒暉  
半鎖荒苔立馬稀  
何處齋鐘心共遠  
當年歌管事全非  
空潭雲氣生衣冷  
幽壑泉香入酒微  
盡說高陽罷游讌  
尚容山簡醉中歸

與馮文所同集金閭城下得來字

榜歌遙叩白雲隈  
暮色蒼茫到酒杯  
極浦鳥無帆影沒  
空江潮雜雨聲來  
鶯花茂苑投新社  
麋鹿吳宮訪舊臺  
滿座雕龍懸彩筆  
風流誰數鄴中才

靜海寺潮音閣晚眺

香閣俯城陰  
松篁一徑深  
晴雲搖海色  
夕梵起潮音  
古

戍關門斷山程驛  
道侵江流無日夜  
東去似鄉心

南館獨坐得邦憲書再和前韻

一畝雲連鄣三家水抱村  
時方賤蓬累我未掩柴門  
雨足春流滿溪深  
曉霧昏塔焉齊  
物理翻喜故人存

雲松歌贈許山人

縹緲孤雲何處歸  
翠濤蒼雪望中微  
竭來林麓散晴靄  
叅差洞戶生寒霏  
喬柯盤屈虬龍舉  
白晝冥冥自風雨  
浮雲無心閒可憐  
松子多情亦楚楚  
山中之人樂未央  
松爲我巢雲我裳君不見  
長安道上風塵苦  
何似山中日月長





P8-11



題王青州小祗園得間字

精廬高結海雲間坐卧能消白日閒卽以祗洹開覺苑  
翻從人境立名山風過竹院吹鳴磬月到松扉照掩關  
何處潮音生妙響閣中清梵欲飛還

張長輿訪余城南

縹緲羣峯外青帆一片來人曾經歲別花已半春催殘  
月流書幌浮雲散酒杯寄言樂興者莫便剡溪迴

送馮子潛游金庭

天開洞壑兩峯蟠地俯鮫宮六月寒君到正逢秋色蚤  
平湖落木鏡中看

童太末

名珮字子鳴號紫山太末人嘉隆中寓梁溪

旅中述懷

悲風吹遙林經歲忘還家行行日復夕冉冉天一涯天  
涯多苦辛千里徒傷嗟明月照長途思鄉淚如麻故人  
勸加餐執手爲我訝情意一何深還因念微痾

過周叟家

舊識龐公操到來滋隱心年華藤作杖叔姪竹爲林雞  
犬無王事桑麻自綠陰余家亦畝畝未及鹿門深  
度穹窿山尋顧山甫秀才

亂石隨飛鳥蒼厓歷百尋爲探高士去翻惟隱居深水



近五湖色人傾千里心草堂遙指點雲氣晝沈沈  
顧玄言同知要游半頭山病不果赴

旅邸馬卿病蛩聲滿枕秋思君騎馬去藥月上牛頭星  
斗天河近江山雲氣浮明朝有新賦好與慰離愁

訪金子坤

佳色帝城滿尋君選獨荒避人苔滿地歎客草為堂舊  
姓來西域時名動大梁漢廷方重少誰為薦馮唐

送梁伯龍游五嶽

出門雲霧氣知是訪山川綠樹春方半黃河路幾千落  
梅城外笛行李雨中船道上人爭訝禽生是列僊

過陽山草堂席上贈顧徵士

黃髮開新社青山遶舊廬種松全煉墨搗竹半抄書草  
賦家爭寶蒲輪郡有車即看耆舊傳蚤晚勒秦餘

馬睹寺

傍城蕭寺好白馬幾年東佛座人煙外山門風雨中一  
僧孤錫冷雙樹半潭空見說陶元亮時來問遠公

吳幼元元祿園亭

名園仙吏隱石畔葯為房門染芙蓉色墻懸薜荔香下  
帷花撲卷高卧竹當牀別有懷人處題詩月滿廊

周將軍廟

卷作研佳



樹裏將軍廟桃花入座丹路人瞻水木縣令護衣冠劍  
在精光泣神歸風雨寒余鄉知有虎慙愧拜靈壇

送成涓甫之金壇

客路送君去撥琴水上彈東風吹玉舸何處是金壇濁  
酒柳絲亂暮雲山色寒莫嗟行李少人久識馮驩

丹陽道中

小艇謝逢迎寒煙滿水生斷岡吳札廟亂石呂蒙城莫  
問楚人草猶餘漢郡名倘能賦風土不遠是西京

烏夜啼

城烏且莫今夜啼江東游子猶未歸含愁飲恨燒銀缸

金梭鳴鳴泣蘭房當窻忽見山月黃却疑照人行路旁

關山月

賀蘭山頭一片月長安城中萬家雪征人夜渡流沙去  
渤海蒼茫玉門曙千里初連草色腓黃雲白鴈何年歸

秋夜吟

高天忽翻轆轤影劍子不眠光耿耿江上西風玉簫寒  
山川萬里銀牀冷銀牀玉簫秋水滴孤月數聲響羌笛  
東海吼裂老龍怒當空墜下支機石夜夜遙疑啼峽猿  
道上行人半頭白

送秦汝立游茅山



煙雲滿逕玉淙淙又與茅君著屐逢洞口鶴窺曾過客  
雨中人上最高峯華陽澗水紅千片舊館壇碑墨幾重  
乞得靈詮書白練歸來休道覓無從

秋日過顧同知長治園池

高卧元知是舊林階前秋色自蕭森乞歸田里無蒼鬢  
種得園花有赤心作賦半因長日遣着冠多爲故人尋  
年來草就知非歷爲說蘧生尚在今

時顧所著知非歷方成

贈陳寧卿

未到河陽縣政聲喧路旁峯高隔嶺見花滿過春芳公  
牘無盈紫私錢不入囊因知供客酒猶是故園將

宿上封寺

上封林處磴千盤爲訝高雲碍竹冠晴氣滿空還似雨  
秋光未半忽生寒客來石上占星麗僧住巖前作鳥看  
一榻偶然經磬側誰將銀漢挂闌干

宐春道中

莫言臺榭只宐春春色遙看解妬人一自平津罷歌舞  
可憐燕子落東隣

爭傳鑿石布春隄爲使行人路不迷星子河因隨石隕  
道旁翻益楚猿啼

摩訶菴



入門幽事滿春殿說無生未下空王拜先勞小朗迎堦  
前閒樹色花外落鐘聲却媿初來客袈裟識姓名

丘戶部

名齊雲字謙之號若泰湖廣麻城人嘉隆間官戶部主政

暮行西山道中

出部尋蕭寺偏緣芳草行溪深雲欲雨山遠樹爲城一  
徑一花色無時無鳥聲不知湖上月飛向馬頭明

張明府至京旋遷宣陽邑博

三年同蜀道此日聚燕臺命酒對華髮憐君自異才明  
珠元有謗蕭瑟易爲哀誰念綈袍意相看把臂來

送王年兄分權潁墅

離亭春欲盡把袂故含情劍鳥花間發樓船天上行雲  
歸江樹合雨過夕嵐平是處堪相憶空憐片月明

送鄧文學南還

十日且未飲那知千里分金臺不得意空負北山文潮  
落寒江月帆移遠岫雲天涯杯酒後何地可逢君

送梁思伯使山東便歸羅浮

仙郎擁節五雲前把酒愁看萬里天青海秋陰分蜃氣  
東山雨色入樓船葡萄不盡架槎事鸚鵡先傳過楚篇  
後夜羅浮明月下可能回首鳳池邊

夏日董侍御叔玉約遊陳金吾園汎舟短述



載酒晴開棹尋源地漸幽竹邊調鳳笛花裏出漁舟新  
霽舍初暑殘雲傍曲流幾回迷遠色一一似滄洲

送涂明府之龍游

少年鴻策獻黃扉小試龍游出紫闈寶劍匣中星欲動  
仙人天上鳥初飛青山萬里移舟出綠樹千家帶雨稀  
舟到嚴陵須問俗非熊強半在漁磯

送楊懋功守姚安

燕市年來共卜居君行萬里獨愁予花間桑落時非舊  
筍裏瓊華日漸踈金馬秋深惟有夢碧雞春遠憶傳書  
從來意氣難離別誰爲憐才薦子虛

送童子鳴南歸

燕臺尊酒惜離羣不分黃金此失君短髮鏡中生白雪  
敝裘江上卧秋雲舟移遠浦漁歌杳家隔寒山樹色紛  
霄漢只今無狗監煙霞應護子虛文

張少叅

名子仁字安甫號澄齋無錫人嘉隆中官四川少叅

涼夜懷毛青城太史

落日下川原涼風吹几席煩氛忽掃除庭戶生虛白悵  
然掩芳尊漫對琴書適佳人期不來何以永茲夕仰視  
浮雲馳翩翩遲飛鳥

秋日遊東山寺

張少叅

卷之八

又六



國朝卷十八  
秋深溪澗碧獨棹訪東山挂壁猿窺鉢緣羅僧閉關濯  
錦空濛裏峨眉曾漢間冷然振高嘯意與白雲閒

游桃花源寄九華顧丈

蕩舟花源裏夕陽半在山樹深依澗碧閣迴入雲閒禪  
意不能語客來常閉關區中有真隱溪水日潺湲

永日

羣動不自息荏苒悲流光何如茅齋靜挹彼瓊樹芳遠  
山列層嶂一水搖微茫曠焉脫塵網愛此庭日長

雨餘

雨餘秋草碧煙霧尚霏霏山外江流轉幽人半掩扉

華比部

名叔陽字起龍號玄谷無錫人嘉隆中官刑部主政

贈思萱處士

愛君卷跡栖環堵陰陰藜木清溪午階前萱草晚含滋  
隴上麥苗輕着雨春風吹鬢酒盈尊傲倚南窻聽鳥言  
但令勝事堪娛老何必丹丘訪羨門

春日閒居

殘雨收空曙閒庭日遲遲田夫念歲事荷鋤適東菑清  
陰匝廣路朱英綴踈籬俯愛潛魚躍仰視浮雲馳雉啄  
聊足止夔屈自有時休跡依林丘散帙方垂帷沈心往  
千古塵想忽若遺揚子守玄言寂寞吾與期



曉雨

欹枕曙光入空濛雨未收濕陰庭樹密暗響石泉流巢  
鳥翻猶恰簷花落更幽當軒理巾櫛蕭瑟况疑秋

家居歲忽及暮悵然有感無懷京師舊遊

失路稅征駕還山理漁磯門前舊時樹垂條拂人衣故  
園高卧思悠悠歎息年華忽已周極目浮雲暗燕國愁  
心芳草滿吳洲燕吳迢迢渺煙水美人音塵隔千里東  
風何處語流鶯日暮空庭聊徙倚

贈沈道禎

彼美中林士肆情遺好爵窮覽歷瑋麗冥探契玄漠吐

論雜詠雅解衣任槃礴隄然天機發丹青時間作醉落  
散霏煙飛毫架層壑洞庭春波平蒼梧暮雲薄潛神已  
絕巧師意匪祈博遊燕亦軒鴻歸吳更藏瓊伯通有遺  
墟幽踪諒堪託

和韻酬外舅王公

余昨歲有杭關之役尋以病  
寓魯上疏請歸因得數字

嬾成中散癖禮任步兵踈官拙慚懷祿時違罷獻書及  
關將隱矣過魯歎歸歎負部饒生事沈淪意自如

讀陶詩用讀山海經韻

寢瘵歸故丘日與人事踈時雨沐平林清蔭滿衡廬沈  
心契玄理汎覽綜羣書荒扈足施羅窮巷罕迴車開簾



見遠峯茸圃長新蔬閒詠彭澤詩願令微尚俱苟得怡  
吾志折腰非所圖緬焉欽素風千載誰復如

夏日閒居用左太冲韻

端居感馳光荏苒忽至今清風披層軒幽悰寫孤琴碧  
藻被文流丹葩綴重林灌<sub>以</sub>愜機忘混俗甘陸沈白雲  
幻竒姿玄蟬奏高音繼仰北窻下嗒然起微吟萬物欣  
自榮聊用舒吾襟真賞足丘園何事嬰華簪

送洪上人還金陵無訊守愚師談經報恩

去住本無意那堪孤思深數沙憐幻跡航葦見遐心  
定潮音寂<sub>云</sub>歸山氣陰遙知弘法處花雨徧空林

翟進士

名鍾玉字德甫號荆山  
嘉定人嘉靖間鄉進士

肅皇帝輓詞

內殿傳遺詔僊遊去不還歲<sub>綈</sub>瞻日馭想象見天顏草  
色悽含露泉聲咽過山扳依去莫及悵望五雲間

文姬入關圖

胡笳彈淚翠眉顰白草黃雲暗虜塵翻恨漢關今夜月  
如何偏照別離人

哭孫懋衡

自信龍韜可致身十年短褐走風塵<sub>湧</sub>投白壁寧辭肘  
盡散黃金不問貧羈旅禰衡空有賦平生纒布是何人



也知壯士能輕死爲爾長歌獨愴神

送管大還吳中

悲歌當易水別酒濕征衣  
季子貂裘似昭王駿骨非涼  
風驚客夢明月待人歸  
莫憶西遊好山中有蕨薇

寄黃六秀才

別子都門又十年憐余短榻只蕭然  
蘭生壁在終歸趙  
郭隗臺空莫問燕幾望少微懷舊隱  
每從白雪見新篇  
任公遊倦還多病欲向吳江理釣船

王戶部

名三錫字用懷號華巒蜀  
內江人嘉隆間戶部主政

送李侍御巡按廣西

法星臨處古交州使節遙看萬里遊  
雲擁朱輪千嶂合  
花迎豸繡兩江浮燕臺舊避三雄馬  
粵國新披五月裘  
銅柱羈縻非盛事卽看青海欲全收

雪夜吟二首

夜半風冽冽長安一丈雪凍死無衣人  
紅樓燭未滅  
朔風吹胡馬飛雪滿陰山江南春已遍  
不度玉門關  
元夜訪江鴻臚和見貽韻

同君對明月徙倚當層軒移燭看雙劍  
開襟共一樽雲  
依銀漢曲星傍紫宸尊白雪勞相贈  
平生諠所存  
春日同賈洪菴遊大石和韻答之





P21-22



行春花鳥若爲從仍訪名山過梵宮片石倒懸雲外壁  
太湖遙送檻前風興來有客能思戴賦就何人爲薦雄  
最是論心還勝賞調高白雪許誰同

答周光山

汝上空原春雪消大梁西望路迢迢吳雲散入嵩陰雨  
淮水流殘海夜潮何意雙魚將尺素應憐一鵠隔層霄  
那知喜極翻成淚十載交游轉寂寥

秋思

西風一夜送微涼葉落花殘漏滴長何事深閨先識得  
月明處處搗衣裳

黃伯子

名道字吉甫號海南江陰人

與王百穀話舊

以我飄零久逢君感慨深一燈今夕雨三載故人心擊  
筑悲燕市揚舲倡越吟相看不盡意何地更披襟

焦山訪邵五游山人

中流孤嶼絕囂塵地僻從來足隱淪一卧三徵不起客  
還棲五嶽雅遊人山將夜色侵衣冷雨帶江聲入夢頻  
我亦翛然遺世久白雲同爾結芳隣

金山卽事

亭倚留雲處雲光上客衣江寒鼃不起林靜鳥偏依結



侶元同調持杯自息機  
酣歌日云暮煙雨轉霏霏  
朝天宮王儀部席上簡袁考功

落日冶城隈前山秋色開  
簾容雙燕入風自二陵來  
席向郎官促杯從羽客  
催還須遲吾子同上下公臺

朱光祿

名正初字在明號虛谷靖江人嘉隆間官光祿監事

湖上

長堤曲曲石粼粼柳色參差接  
望春煙鎖禁中疑作雨  
風過湖上不生塵翠微懸瀑穿雲白  
綠渺平蕪入漲新  
隨處青旗能醉客肯嫌身世是沈淪

夜宿金山寺呈同游黎惟敬因讀黎所題碑文

寺僻藏幽勝煙霞滿榻生  
窻窺遠湖白鐘響出雲清  
夜自傳燈寂心將聽偈明  
看君題石處共起薜蘿情

同徵甫宿碧雲寺寄懷彭城公

蒲寺泉聲入夜聽重來一宿萬緣清  
星當座上偏疑客  
月照簾前可是卿  
結社偶隨猿鶴侶  
裁書還隔鳳凰城  
爭看白傳新題在  
錯訝香山是洛京

聽小沙彌如序彈琴

誰道西來教歸空  
念不生聽時初得調  
彈處欲無聲  
綠水淨中落青山定裏行  
總因禪悟理  
迸入梵音清

送莫觀察之秦中



雙旌萬里入函關，悵望星軺不可攀。此別秦中榆漸落，應逢塞下鴈初還。玉門霜積天連漢，青海春深雪滿山。行部賦成煩遠寄，西京遲爾一開顏。

送項思堯下第歸鴈山

上書不得意，理楫復東歸。才是雕龍辯，心非失馬譏。秋風碣石水，寒雨鴈山薇。楚玉依然在，無嗟識者稀。

擬出塞

旌旗百道疊秋雲，四塞吹笳馬上聞。風度玉關圍正合，月明灤水戰初分。長楊獵火新驃騎，斷磧胡沙舊冠軍。不待賜金酬俠少，燕然飛檄報明君。

人日集陸尚寶官舍

載酒尋仙省，河垂御柳新。頻年愁作客，此日喜逢人。座對燕山雪，窻臨漢闕春。金門堪吏隱，方朔本詞臣。

無題

長干車馬少年同，此夕翻疑似夢中。楊柳有聲吹作笛，梅花無數落隨風。春山尚鬪顰間翠，夜月都消枕上紅。惆悵當時歌舞處，夕陽猶照小橋東。

次恒陽得邸報寄胡原荆

分違纔幾日，去住不堪論。白簡臺郎職，青山聖主恩。風霜辭北闕，慷慨下中原。宣室應憐汝，還期詎可言。



贈李岳州

垂楊高處且馮闌此地逢君興頗歡  
出守卽看符是竹觸邪曾許豸爲冠  
窻含遠岫清湘雨湖遶春城白日寒  
政暇定知支手板遙瞻紫氣滿長安

葉山人

名之芳字茂長號雪樵無錫人

觀海

碧海何冥冥空光連太清  
白雲飛不過紅日落還生  
去鳥難分影遙山安可名  
何當借鰲背載我向東行

寒草

臘月寒草色蕭蕭萬里黃  
遠連沙塞雪荒帶海天霜風

疾隼頻下山空兔不藏  
偏傷獨客思羸馬踏殘陽

送汪子木之豫章

淮楚遊不達豫章西  
獨行傭書今日事建節異時名  
千里孤帆影三秋一鴈聲  
別來龍劍在頻向匣中鳴

贈談太常

談生真阮籍白眼傲時人  
浪飲百壺酒閒過三十春  
門將雲似客居以竹爲隣  
不道清如許高名尚欠貧

憶楚生

陸子身仍隱多應學接輿  
春生別後草魚絕寄來書  
慷慨人堪惜踈狂我不如  
楚王今去遠誰爲下徵車



黃巖道中

黃葉蕭蕭下翠微，寒風歲暮薄征衣。  
飛泉當路馬蹄濕，落日半峯人影稀。  
作客漫分香積飯，隱居空慕首陽薇。  
茲山信可供高卧，何必江東汎棹歸。

靈江舟中

赤城東去水滌洄，無數寒花夾岸開。  
越國青山臨海盡，靈江秋雨挂帆來。  
舟中客淚隨楓落，天外鄉心逐鴈哀。  
如此蕭條祇須醉，已知淪落不論才。

荅蕭漢卿

故人迢遞隔江干，貧病題詩寄我看。  
鸚鵡賦高人未識

鸚鵡裘敝骨應寒，千山日落關門暗。  
十月霜多木葉乾，惆悵冶城曾宿處。  
從來別後再遊難。

偶過顧丈玄言花源真隱，因訪南林寶公禪院，題壁留贈

夾岸桃花無處尋，此溪卽是武陵深。  
孤嶼閒雲常寂寞，澄潭古木晝陰陰。  
高齋棐几臨窻北，南林曾比東林宅。  
謝公臺畔獨繙經，社裏蓮花露初白。  
避世應非是避秦，煙霞咫尺隔紅塵。  
逃禪了悟維摩偈，不用天書辟隱淪。

入新安溪

可怪新安水，舟從石上行。  
不風秋暮冷，無月夜深明。  
古



木何年偃危湍幾處驚千尋猶見底曾數越江清

觀珍珠簾泉懷劉巨公

珍珠泉落石崖秋恍惚簾垂白玉樓樹拂翠煙疑卷幔  
山橫新月似懸鈎來遊未淬青萍劍沾濕先寒紫綺裘  
安得一杯同謝客碧巖長日坐銷憂

谷口贈七十老人

谷口龐眉叟逢人問世間安危忘出處耕鑿有餘閒  
杖隨流水看雲過遠山了然無所事終歲掩柴關

壬申十一月十日留別吳虎臣

久依何忍去遠別自難任有感蘇卿淚無忘鮑子心亂

雲寒鴈斷落日暮猿吟千里一長歛蕭條返故林

贈鄆郡章端伯

安道彈琴隱韓康賣藥貧君能同出處余愧在風塵  
白眼堪輕世黃金秣累身平生惟短褐應不厭沈淪

曲江夏日酬麗慈

玉樹姿同潤青山色並高試歌成白雪寒壓廣陵濤

雨中望釣臺

荒臺寂寞枕秋山煙雨半裘不復還千載漢恩猶未絕  
至今遺祀斷崖間

張文學

名文柱字仲立崑山人隆慶中邑庠生

張文學

名文柱字仲立崑山人隆慶中邑庠生

三八



去年之日寄答當塗蕭漢卿

去年之日聞提壺蕭郎飲我長干壚今年之日吳天黑  
江雲萬里俱無色人生聚散信蓬萍空使關河遲行客  
君從辭家能苦吟余亦薄游意氣深有時拭劍劍欲吼  
片言之諾輕黃金黃金結交翻手變朱樓咫尺不可見  
余今骯髒天一涯東風青鬢夢京華向來芳草王孫路  
惟有千山落日斜落日斜歸騎急春雨江南望江北

惜別

惜別復惜別殘更爲爾遙青楓薄命葉黃柳斷腸條天  
迴遲寒鴈江空急夜潮秣陵煙雨際留得鬢蕭蕭

夜泊與無美雲卿同作

青袍爲客日艤棹幾江城天地還吾輩浮沈亦世情  
虛村雨暗沙合水煙生此夕當杯意悲歡不爲名

清懶窩話別葉茂長得何字

開徑故人過當杯意氣多懷中和氏璧膝下甯生歌  
久客鬢如此別君顏若何所期蓮社在相遲白雲阿

集王青州得前字

遙心曾寄夜燈前高館玄言意更偏白雪近傳詞客調  
青山元傍使君筵池懸嶮樹留寒雨徑遶長蘿起夕煙  
獨有濬沖愁病後追歡空復愧忘年

嶮作  
密佳



索居二首

遺榮因屏俗偃仰一丘間開徑但聞鳥閉門猶見山  
終歲卧青蘿閒門野鹿過所懷惟白雪不向郢中歌

金陵元夕曲

朱門玉館夜還賒南陌東城路不斜隊隊香車墻外過  
不知絃管是誰家

成季子

名清字玄復號霞樵無錫人嘉隆中隱濠曲

贈羅處士

舊業稽山下客游吳市門片言輕季布直道媿劉蕡  
愁髮千絲白雄心一劍存逢人說肝膽那是趙平原

暑中得九華送王元美之楚之作偶貽陸楚生

荆門千里擁帆檣夏口纔過入郢鄉露冕不辭當溽暑  
風裁蚤已越清湘談中憂世常捫虱賦就游仙欲咤羊  
此去若逢歌鳳者莫言座上楚生狂

失題

女郎隄畔赤闌橋十二樓臺鎖寂寥楊柳不知歌舞散  
春絲猶學小蠻腰

誰家池館秘青霞知是平章公子家一自美人乘鶴去  
海棠零落不生花

聞說仙源卽武陵當年桃李已無馮如今庭戶生荆棘



不識漁郎到此曾

劉郎橋下舊名園  
舞雪歌風繞畫軒  
廿載興亡眼前事  
令人仍憶趙平原

俞伯子

名淵字希顏號克菴無錫人嘉隆間太學生

過慧山別業

幽棲憶昔携書至  
暇日傷秋弭棹過  
古寺鐘聲齋閣滿  
西林風葉夜窻多  
試尋丘壑探玄寂  
欲置行藏傍薜蘿  
况是海邦經亂久  
自應高卧碧山阿

雨坐有懷胡鳳石

花谿閒不掃庭草  
坐來滋積霧入林  
重沈雲度嶺遲

歡遠舊賞素業困  
清時寂寞空齋卧  
惟應鮑子知

送王少燾

鳳凰臺上春雲曉  
山色江光盈樹杪  
此時煙雨黯離愁  
却恨從前歡會少  
畫舫翩翩五兩輕  
殷勤斗酒送君行  
江臯一去同黃鵠  
萬里扶搖遡紫清

秋雨後寓目觀音閣

白冶秋高桂影沈  
棘圍初解一登臨  
長江日下千巖水  
曾閣雲連萬樹陰  
清梵偶依慚見性  
衆山遙對卽知音  
如何鄙隗臺前路  
偏繫窮愁望遠心

坐雨呈袁吏部



兩年留滯已難禁，况復經旬積雨侵。  
斗室坐閒黃潦入，荒堦人遠綠苔深。  
漂零終是成溝壑，濩落無能起陸沈。  
魚鴈不逢過從絕，燕臺空說築黃金。

暮春過友人別業

弭棹訪仙源，幽人久杜門。  
春將花事盡，晴喚鳥聲繁。  
窈窕同愚谷，蕭條類漆園。  
知君秉微尚，余意復何言。

訪鄭渭川

策蹇長千里，遙尋處士家。  
徑深藏密竹，門小翳繁花。  
晤語流雲外，行吟積水涯。  
莫因愁與病，相對却生嗟。

園居雜詩四首

幽意在山水，單瓢恒晏如。  
地偏人跡遠，心懶世情疎。  
已見室如磬，無勞食嘆魚。  
當年題柱意，未忍負公車。  
一榻坐來深，能滋不染心。  
閒雲三徑合，芳樹半庭陰。  
湖上子猷棹，林中叔夜琴。  
楚蘭吟倘就，桑興訪知音。  
小院淒風入，蕭條歲欲闌。  
蠹編貧可樂，鶉服拙宜安。  
孤坐芳華歇，卑棲去住難。  
庭前丹桂樹，暫作小山看。  
三春甘雨遍，一徑綠雲齊。  
星作荀陳聚，花同劉阮迷。  
濁醪時獨醉，幽壑不辭棲。  
只此堪遺世，寧煩養木雞。

孤坐

適晤安期叟，言從海上回。  
授書傳秘密，望氣鬱崔嵬。  
黃



葉窺人墮青霞伴鳥來莫言孤坐者株守是樗材

閒適三首

萬事清閒好幽棲思不窮浮名山水外吾道酒杯中情  
以刪詩適心因看劍雄平生無限意咄咄欲書空  
伯陵甘屏棄余亦任清真有道未爲病無官寧是貧屠  
龍謀竟拙調鶴性初馴一徑蓬蒿滿惟應來故人  
徑爲求半闢門無車馬過披雲種脩竹拂石坐青蘿閱  
世風波易論交感慨多試尋京洛主誰得似常何

俞仲子

名沂字希曾號少堂無錫人嘉隆中太學生

憶友人讀書湖莊

舊業城南隱新營部外廬渚蘭頻弭棹窻竹稱移書地  
暇人煙少秋深草木踈躬畊三十畝刈穫近何如

和姚潛坤雨後南園獨坐

抱拙事園圃灌溉有常候葵藿連菑畚竹樹亦森茂宴  
坐溪上閣幽然對巖岫曉來踈雨過淨瀨響餘溜長空  
浮雲散日出花影晝事事稱閒曠清風滿懷袖豈無憑  
虛念愧彼列禦寇

古風三首

年華換人代顏色非昔時風吹落花去不復還故枝花  
落豈足惜春歸猶有期人老不再少役役將何爲



北山有愚公東谷有智叟愚智吾不知澹泊聊自守愚不欲自用智不任掣肘猶豫者久之得一得解其紐吾聞賢達士善爲子孫地積書未必讀無乃擁虛器積財未必守勿念身後利愚則益其過賢亦損其志必曰如之何積德度幾是

顧季子

名道瀚字嗣海無錫人嘉隆中邑弟子

送鄒邑侯入覲

上計入長安衝冰渡馬寒好因詢考畢重得覲朝端鷓  
漕透迤接 龍顏只尺看 聖明如有問須爲述民難

送胡郡侯擢山西學憲

中吳方倚使君賢豸繡西巡四郡偏鴈外持衡當鎖鑰  
潞中獵藝擁樓船雲飛遙帶桑乾急嶽色馮陵劍氣懸  
三晉古來多俠節佇聽聲教訖幽燕

應太守方山夜過話舊

清夜相逢把臂呼却憐身尚滯東吳門前五馬藥春至  
別後雙魚隔歲無苜蓿何堪供應劬槩觚差可擬潛夫  
江潭憔悴行吟者曾比高陽舊酒徒

送王百穀北上應試

王郎俠氣冠江東躡屩侯門處處逢湖海一裘偏駢髀  
風塵雙劍拂芙蓉文雄漢氏稱司馬才駿雲間識士龍



國雅卷十八  
華藻少年堪載筆承明還遲譯秦封

送海中丞去任東歸

先朝抗疏誤披龍秉鉞從來望已崇  
法振秦廷中執法風行漢世右扶風  
咄書閉閣嗟殷浩修刺通家愧孔融  
此去東南傾海岱惟公高節古誰同

詠鳳尾蕉花奉華翁叔父教

靈卉生丹穴高垂碧影寒  
祗疑堪覆鹿那識忽棲鸞  
密藥慚苞彩新叢長翠翰  
翱翔飛不去知爾羨琅玕

孫太學

名七政字齊之號三川  
常熟人嘉隆中太學生

擬古

道喪何悠悠迴薄竟何已  
宵人戀形役烈士殉名義  
擾擾一世中戚戚百年裏  
棄日無安車趨途有促軌  
賢聖久不作皇皇知孰是  
孰有昧玄風崇無闇通旨  
有無失真訣徒令蒼生死  
所以至人懷玄同混彼此  
葆光全已真朗照齊物理  
形往鑒匪積響窮谷自止  
惟有赤水珠佩之靡年紀

隴頭水

征夫隴坂上拭淚望秦川  
不見長安日空聞幽咽泉  
胡沙行莫盡漢節去無年  
借問流聲急肝腸幾寸全

三月三日自何山入天池脩楔



弭棹尋芳去遂令仙路深幾重春嶂盡隨磬入東林潭  
影浸空剝松風和梵音臨流無用板蓮沼卽余心

虎丘劍池送化之弟之金陵

虛壑但空磬翠微多白雲清暉總娛客無那欲離羣鴈  
向瑤京去花當寶地分試看春草色知我夢隨君

家山春霽携逸侶深入雲際諸剎尋討峯壑

江臯宿雨霽凌曉歷芳芬衣冷分谿靄花深度隴雲招  
提遍春壑鐘梵寂人羣始信青山曲清輝堪贈君

春日尋山作

聞說桃源自好尋且緣漁艇入花陰花隨碧水人間去

雲共青山洞口深芳草只宜麋鹿性春風正洽薜蘿襟  
相逢莫問秦將漢身世悠悠一片心

贈客避仇遊梁

時客暫歸吳中過訪

何事桃花索居處門前却有紫駟聲十年別向峭函客  
萬里不忘江漢情死去避仇憐季布窮來感遇泣侯嬴  
千金昨夜購神劍今日相逢卽贈行

雪中酬俞仲蔚

松風蕭瑟碧山陞靜對寒輝搔鬢絲架上舊無天子札  
袖中新得隱淪詩君心似水深相許世路多岐渾欲悲  
爲問寥寥高尚者衡門卧雪幾人知



擬明妃曲

一朝辭漢向天驕，彈盡繁絃恨未消。  
畫裡不沾金屋寵，曲中空怨玉關遙。

搗衣曲

十載征人去未還，闌干搗素淚潸潸。  
半輪山月砧聲切，那得風前到玉關。

鄔季子

名佐卿字汝翼丹徒人嘉隆中邑文學

王祠部邀遊靈谷寺

帝城誰復賦登樓，把酒相看只蒯緱。  
山寺逢僧真似水，春官留客更宜秋。  
鹿驚人語松間出，錫帶泉聲石上流。

神谷迄今多王氣，五雲常傍二陵浮。

無題

小樓日日燕飛頻，夢斷昭陽憶舊人。  
總爲行雲憐薄命，敢將歌舞怨風塵。  
簾移鸚鵡杯前月，漏盡鴛鴦被底春。  
誰道牡丹零落盡，看花雙淚欲沾巾。

艷曲

碧樹映紅樓，佳人是莫愁。  
竹枝看引鳳，花色笑牽牛。  
舞罷月初落，歌殘雲欲流。  
何妨千日酒，醉殺秣陵秋。

西津別妓

立馬江臯問暮潮，片帆西上路迢迢。  
人將碧草新晴去，



竟對青山舊雨消雲色自依桃葉渡月明淒斷鳳凰簫  
壚頭濁酒春堪醉還訪秦淮舊板橋

鳴玉園寄陳貞父時貞父令寧鄉

飄零湖海識君遲一劍東遊鬢欲絲三徑蘼蕪人去後  
千山風雨鴈來時雲分嶽色秋歸峽星帶河流夜入池  
最是湘鄉容傲吏鳴琴何處寄遐思

穉登邀同無從諸君登寶界山以二姬侍酒

湖光秋色共漫漫白首孤亭落木殘亂水直從河漢瀉  
萬峯齊抱洞庭寒花嬌玉女芙蓉面林礙詞人竹籜冠  
我輩蕭然不干世無令高卧獨袁安

尋張幼于不遇

不識吳趨路來尋仲蔚居敢題門上鳳寧嘆食無魚握  
手竟何日論交豈在初豐城雙劍氣空望斗牛墟

過許墅關

秋色滿吳城西風過鴈聲人家綠水上官柳暮雲平舩  
艣關猶隘干將匣自鳴使君方擁蓋誰問棄繻生

奉簡九華顧丈

芙蓉湖畔白雲深悵望幽人不可尋子夜翻歌俱綠鬢  
平生酬客盡黃金憤時舊著王符論慢世誰知曷倩心  
莫道龍門猶未御幾回曾見郢中吟



安仲子

名紹芳字茂卿號研亭  
無錫人隆慶中文舉

碧雲寺

寶地浮空一徑盤  
藤蘿曲曲隱闌干  
泉飛蒲寺春流急  
月落虛壇夜影寒  
松際孤雲巢鶴鶴  
洞陰芳樹長旃檀  
携將袖裏三山記  
獨上峯頭掃石看

香山寺

隔嶺藏香閣到門  
生暮煙斷崖寒積雪  
細草伏流泉臺  
指祈星處松傳護  
駕年石幢苔半繡  
似欲化青蓮

寒食昌平官舍飲劉少宰

駐馬山城暮東風  
屬禁煙烏聲廳事裏  
柳色驛門前醴

酪他鄉共星辰  
此夜懸上八公能  
下榻容得酒人眠

送曾中丞赴蜀

玉節遙看萬里行  
鳴笳吹角震西京  
天邊劍閣雲爲棧  
樹裏巴江錦作城  
檄到百蠻新喻蜀  
圖餘八陣舊藏兵  
塞帷父老煩相訊  
詞賦何人似長卿

送董述夫山人遊太山

荷笈名山此送君  
青天黃鶴自爲羣  
採將礪底千年藥  
畫出峯頭幾片雲  
松老尚含秦帝雨  
蘚荒全蝕漢時文  
遙知日觀憑滄海  
夜半吹笙卧紫氛

將之勾曲便道登王駕部寶界山莊次韻

安仲子



松風冉冉拂征衣纔到青山是息機看盡湖光惟鳥度  
行窮樵徑見人稀嘯臺樹杪天連檻爽谷雲深石作扉  
爲問朝川多勝事何如此地駐斜暉

同鄧徵君過訪姚先生

委巷幽人宅扁舟載酒來長歌春雪調高卧暮雲隈別  
久霜侵鬢書成草沒臺却憐門下士淪落思偏哀



